

今世說

清王暉撰

下

進步書局校印

今

世

世

世

世

世

世

世

世

世

世

世

世

世

世

世

世

世

世

世

世

今世說卷五

清仁和王睥丹麓撰

品藻

宋既庭與宗弟疇三俱以孝廉知名時稱大宋小宋或問汪鈍翁大宋何如人汪言阮思曠都不及真長逸少而能撮有諸人之勝

疇三名德宏江南長洲人辛卯孝廉

或問計甫草侯二宋三可方古何人計戲為題目曰研德如張子布疇三如魯子敬

侯名元淵江南嘉定人

陳其年與汪鈍翁論六朝之文詞雄旨洽鉤入深微多出諸賢尋賞之外時冒樸庵在坐傾聽不置陳遽掀髯謂汪曰與子納交十年今夕始稱知己

冒名襄一稱辟疆江南如皋人孝友易直龍文章善結納知名天下

胡旅堂與龔總憲書云研德疇三吳門之兩玉樹門下見之定把臂入林半千自是我輩人氣不諧俗非時賢所識過蕪城時試留盤礴知其蕭遠耳

胡名介字彥遠浙江杭州人少有高志立名節寡雜交遊遊公卿間名譽甚盛

毛大可目史訥齋雖睦居家事父怡愉不聞嘻噓有似陳季方把臂堪托以妻孥似朱生見利思義不因人炎熱似梁伯鸞嗜酒疎脫每一飲必陶然盡醉而諸務不失簡則有似張黃門訓諸經百氏鉤深致遠可使擔囊負笈執經問字者不絕門舍雖傾筐倒篋隨叩隨應猶然鼠壤有餘物似馬季長

史名廷樞浙江蕭山人弱年蜚聲文林豪蕩驅遣領袖東南凡人士讌會有所譜記不得史名不就

王西樵嘗稱林鐵崖異人者三鬚眉奇古略如李伯時所畫羅漢相則異在容貌下筆落落能為崢嶸倏詭之詞出入於孫樵劉蛻之間則異在文筆每當讌會竹肉間作或值徜徉山水之際時而得意忘言如釋迦拈花達摩面壁時快論斗發又如春雷奮蟄奇鬼搏人則異在性情言語

曹子顧子閒兄弟人目為雲初王謝風貌阮何

子閒名爾坊意思蕭散不與外物相關尤悔庵嘗以外朗內潤目之三十六歲早卒其子彝士英姿好學詞翰並優中己未進士官翰林

曹顧菴目王丹麓遂生集為驚苑扛梁文津為藝林餽脯

萬履安有子八人長孫貞一並稱令器李杲堂嘗論之曰粹然有得造次儒者吾不如公擇事古而信篤志不分吾不如克宗足以文章名世居然大家吾不如貞一至

若學通古今無所不辨則吾不如李塋

如江黃太冲每言浙東門風之盛莫過萬氏履安名泰一稱悔菴生有異稟美風儀進止不失尺寸舉丙子孝廉亂後遂隱居不作文行為天下模楷李果堂論其風格比之東漢郭有道黃微君云

公擇名斯選顏色充豫內腴外豐被服雍容出言款款有序

悔庵書法最斐豐諸子中惟允誠得其傳允誠名斯備欲言理學則就公擇欲論經學則就充宗欲從衡今古則就李塋李塋名斯同

貞一名言生而不凡乃祖嘗言是兒魁梧當不負吾門比長性嗜學好為古文家言每下筆獨出冠時黃太冲數稱其文為有戴剡源歸震川風味

明州有鑒湖社做場屋之例糊名易書以果堂為主考甲乙樓上少長畢集樓下候之一聯被賞門士臚傳其人拊掌大喜如加十資

世稱莊澹庵所至如墨濡素練便出雲烟

莊名同生江南武進人丁亥兄弟同舉禮闈時年最少入直史館稱雙壁人澹庵能自顧下所至無問識與不識折節論交詩文書畫脫手淋漓士林爭寶惜之

黃俞邵目周櫟園吏事精能撫戢殘暴則如張乖崖其屢更槃錯乃別利器則如虞

升卿其文章名世領袖後進則如歐陽永叔其博學多聞窮摭遠覽則如張茂先其

風流宏長座客恆滿則如孔北海其心好異書性樂酒德則如陶淵明其敦篤友朋

信心不欺則如朱文季其孺慕終身友愛無間則如荀景倩李孟元至其登朝未久

試用不盡則如范希文而遭讒被謗坎壈挫抑又如蘇長公

黃名虞稷福建晉江人

王丹麓蚤年高隱甚負才望趙子門亟稱之此為天地私蓄

趙名鑰山東萊陽人戊戌進士官司李

黎槐曾文章雄視海內徐巨源嘗曰漢陽李文孫長汀黎槐曾

黎名士宏福建長汀人

徐名世溥江西新建人

李名昌字來國湖廣漢陽人壬辰進士官廷尉

董文友嘗言予與討士非惟文章道同覺性情俱與我近

陸麗京目徐世臣勵志箕山斐然述作方之西園偉長非特不媿

陸麗京年德轉升往往領袖羣彥然虛懷冲挹不自滿假或問卿自比雅黃志伊如

何陸曰志伊學海雅黃雅宗故當不及

陸麗京與陳際叔孫宇台齊名友善一日聯袂出北郊道旁觀者竊歎曰此三人定

爾殊常何乃神理都肖

陸麗京云西陵儷語家有靈蛇若懷胡秀如春采仲昭絢若朝霞故當並推

仲昭姓王名嗣槐浙江錢塘人慷慨善談論於書無所不窺文詞瑰麗尤工為賦己未召試特授內閣中書

毛稚黃嘗言西陵有三絕林玉達文搏挾神光雲行兩步陸儷胡駢體行控送於絕麗能使妙義迴環而來張祖望詩蒼澹頓挫如大漠風莽莽無極

陸拒石年十五作春郊賦詞藻流美筆不停綴麗京云王筠為樂遜其敏正平鸚鵡讓其工

惲正叔過毛稚黃飲謂毛曰曩未識駿男然得阿虎令人有雄舉之思虎固當勝耶毛曰駿神鋒豪上虎亦雋快正如蒲梢馱馱並驅康莊未知誰先後耳

毛稚黃過夾城陸氏出語人曰吾始交蓋思倜儻英澈器為國寶登其堂仲季出揖高仲骨削神藹睟然升璜鸞聳驥逸卓卓欲度諸兄已茂林公扶杖出肅然穆然使人瞻之不見所居

茂林名之遇字際明浙江錢塘人抱材不偶學使者辟為越州教授非其志也山巔水涯晚而自放所與遊者惟處士徐野君雪厂道人余體崖道士餘人罕覩其面烟波上下常履蕭閒望見者以為古狂狷者流

高仲名售善書

升璜名雋能
詩工篆刻

羅隨園嘗言老而好學有德有言吾敬張君祖望博聞強記不妄許可吾敬毛君稚
黃雕龍繡虎與物無競吾敬丁君素涵閉戶著書朗有卓識吾敬李君東琪汪洋千
頃能以度勝吾敬沈君開先情辭斐亶波瀾老成吾敬孫君宇台

羅名賢字倍千陝西華州人七世官郎署代有聞人為關中貴族之冠七歲侍客
飲客屬對曰山頭玉井蓮即應聲曰天上金盤露客異之比長益好吟咏嘗至京
師名重公卿參軍臬幕無事日與西陵者舊放情詩酒久
不得調益歌繡自如子名姓年十四嗜文章有父風

丁名潛沈名峻
曹浙江仁和人

李名式玉
錢塘人

規箴

王阮亭性和易寬簡好獎引氣類然人以詩文投謁者必與盡言其失得不稍寬假
汪舟次兄弟好古力學名沸大江南北戶外屢常滿父意歎之誠曰吾不願爾曹為
名士名如剪綵鏤棘實不存也爾曹與人交以其文無寧以其行郭泰之異茅容庾
袞之敬褚德豈為名高哉爾曹慎之

汪父名汝著字生伯自言生平無異人惟不欺二字反復無愧耳嘗築友善庵出
米數百石賑饑身與妻子粗糲自如亂後家中落乃整飭餘緒每得金即贖屯營

婦女辭其家。又埋齒伶
路二十年内。積楷千餘。

新州顧赤方。出其詩。與施愚山相警。校嘗握手笑曰。吾儕本相好。攻瑕索垢。當猛驚如冠。警毋留纖塵。為後人口實。時嘆為名言。

顧名景星。湖
廣新州人。

文與也。作畫頗得待詔家法。然多率爾之筆。汪鈍翁規之曰。此事定須霞思雲想。刻意經營。奈何。頗唐落墨。便布人間。

文名點。江
南吳縣人。

鄒子先。趙破之。並居吳江之西郊。亂後。邑人多謝去。子衿。俄學使者來。傳相告。言不出。且遣戍。趙頗心動。鄒正色曰。我輩但當論是非。不當計利害。於是遂止。趙每為人言。微鄒君。幾喪吾守。

鄒名甲。字趙名瀚。並江南吳江人。時論鄒
之剛決不撓。趙之服義推美君子兩賢之。

捷悟

喬文衣夜半過午門前。萬籟俱寂。猛思日中百億生靈。今歸何處。人世升沈如此而

已。

喬名錄直隸內
邱人官司城

安西估魏丙買丹布上海市中夜就旅宿醉臥風雨大作失橐金三百兩時上海令
為任待庵素善讞至是獄不能定因詣城隍廟禱於神請以實告乃留捕隨往者使
待命於神寢宮捕夢寢宮有幼婦出右手抱細女左手挈衣與之及接視則裙襴也
歸以告令令俯首再三仰而曰夫賜衣而得裙襴則非衣也非衣者裴也豈有裴姓
其人者耶捕叩頭曰似也問左有裴愛無賴不事家人產其人僦旅舍傍而得出入於
其舍即欲得裴姓此當是令曰然然則其抱細女者抑可知矣夫細女愛女耳吾聞
納音之數陽姓從左今左非衣而右愛女其為裴愛無可疑者遂收裴拷之得實

任名辰且字千之浙
江蕭山人丁未進士

計甫草雪後攀鐵索造日觀峯不見日出於峯之傍見豐碑屹立大書禮為人子不
登高不臨深數言計再拜稽首其下即杖策下山不復登

陸麗京誦讀明敏善思誤書嘗聞韓非子至一從而咸危曰是一徙而成邑也後令
他人覆射無一合者惟弟左城中之

胡循蜚官湘東司李時定南王駐師於衡一日召胡至帳下曰軍中有馬數千需樅五百具命若三日為期過期斬胡出已暮至江壩適有人跣足立星露中顧謂非司李胡公耶何為至此胡告之故曰小人家於江有漁艇百餘破其一可得樅五六具請後二日以報五百具鱗次江上胡進之玉王大悅

胡名貞開一稱慧庵浙江杭州人生數歲祖襟囊中丞見其超邁不羣授以書數行並下姓喜任俠旁通藝流諸術每雄談四座為辟易已卯舉于鄉會流寇倡獮詔下大司馬驍勇中武後別試騎射一日有司集壇下較射多鞠躬謝不敘胡獨出一躍上馬彎弓抽矢三發皆中的遂擢異等及遣鼎革自甘放廢開府張公物色之辟至軍門備參謀尋授湘東司李有惠政未幾告歸高聲伎與人言難諧調笑自稱耳空居士工書愛畫石為文絕類蘇長公才大用小有志不就時論之惜

風惠

徐雷發蚤歲韶令天姿英敏年十二和無題詩有殘月無情入小樓之句長老咸嗟異之

魏昭士生甫二十餘月母口授歸去來辭及九歌一二章久之輒能背誦諸父嘗抱持誘以果餅使歌之聲悠揚可聽相詫為英物

魏名世徵江西甯都人是和公子性狷急勇於事仲父冰叔嘗稱其為父鋒銳所至往往有沒羽之力

沈漢儀總角時嘗從父公趾遊苑中公趾曰名亦不之何以淵明愛菊對曰淡而能久也父嘆曰此兒出語可人

漢儀名家恆一字巨山浙江建德人

沈孚先十歲著大臣論稍長尚風節嘗讀漢書黨錮傳至度遠將軍皇甫規自以西州豪傑不得與黨人上書自訟沈足筆填其下曰時蕭山沈功宗以童子同將軍上書其慷慨如此

沈名功宗浙江蕭山人工詩善書法遇嫌素必移易書滿好談每夜分列廣壇置蠟燭學其中其坐與客談達曙不寐

許彝十是許勉無子勉無讀書竟夜不輟許每臥聽父讀書旦輒默誦父嘆曰兒臥時乃過我醒時

卓有枚七歲出就塾師使讀論語有枚嘗置一本掩所讀書下時竊觀塾師發視則司馬公通鑑也師以此奇之

有枚工部去病少子也浙江仁和人生有異稟父比諸枚少獨因名曰人舉負經世才著有古文集行世

虞景銘十歲即善屬文嘗薄柳州乞巧更作辭巧文識者知其遠到

虞名黃昊浙江石門人丙午孝廉

吳威卿七歲嘗侍客坐客論詩無孤獨連文者吳應聲答曰孤雲獨去閒非佳耶一坐驚嘆

吳名厲
錦雯子

章言在幼從塾師學師出有友訪之比歸羣兒告以故而忘其姓氏師怒呵羣兒章曰毋怒也我猶能約略記之因以筆狀其顴額鬚眉栩栩然也師見而笑曰是得非某乎已而叩之果然

章名谷一稱古愚居北郭聖堂橋其地古名散花灘因又稱散花主人少時瞳神如秋水膚色如玉人多比之為衛洗馬嘗抵豫章買舟歸浙有美姬附舟尾見章貌而悅之數以足挑章章起就自念曰我違父母膝下久今此江有神倘一涉汙邪致干神譴葬于魚腹即何日得復見父母乎不覺泣下遂整衣冠危坐達旦善八分隸體畫尤工絕為時所稱

趙禹功九歲父遊學歸大雪不能舉火出古畫一幅命禹功詣友所易米不得家人張然禹功閉戶乃吟詩曰吾家有古畫其價重連城不易街頭米歸來雪滿嬰父聞之笑曰有子如此飢亦何憾

趙名甸浙江山陰人母性嚴小不豫跪請備至嘗出妻數月感悟始返里中稱趙孝子

宗定九子舉兒年五歲曾同諸兒戲于庭一兒指月中言曰月中那得有桂樹舉兒

曰汝謂月中桂樹為奇彼天地間之有樹當亦奇耶

舉見名學詩親甚清貴善言辭喜讀書性雅和雅能體父母意父定九謂其識見動作俱不似稚子所為六歲即殤父甚哀之

王丹麓座客常滿有客謂孔子無鬚眾詰其說客曰本孔叢子子思告齊君曰先君生無鬚眉天下王侯不以此損其敬故知今像多鬚誤也時丹麓子鼎六歲在側應聲曰然則孔子亦無眉耶客語塞

鼎字用和器度端重聰慧性成喜讀書講習便能了了行文亦時露新穎八歲學吟詩有無情風雨過花落不成春之句客有談及紅顏薄命者則舉大學集注中聲即妖義也十二歲即殤識者謂其識云上

王丹麓病起畏寒每當雪夕閉戶謹風時幼子小能五歲坐著鄰上曰大人寒故畏風抑知風亦畏寒王問故答曰風不畏寒何由喜撲人懷

小能是丹麓第五子資性聰敏容貌端妍孝事父母迥異凡兒四五歲時蒼頭負經市上見者莫不嘖嘖稱羨甚欲連手紫之

今世說卷六

豪爽

清仁和王暉丹麓撰

世祖章皇帝嘗獵過滹沱河。宋牧仲從行。時天大寒。河冰闊二丈餘。宋揚鞭大呼。一躍而渡。上壯之。

宋名聲。河南商邱人。年未二十。博學能文章。詩歌筆翰動天下。望而即之。溫其如玉。出判黃州。盧己向學。與四方賢士大夫相交結。日肆遊江湖山谷之間。

王阮亭為同考。至白門。夜鼓柁行大江中。漏下將盡。始抵燕子磯。王興發欲登會天雨。新霽。林木蕭颯。江濤噴涌。與山谷相應。答從者顧視色動。王徑呼東莖以往。題數詩於石壁。從容徒步而還。翼日詩傳白下。和者凡數十家。

施愚山倡學湖西。問道者車接轂。蕭孟昉為之供扉屨。飾廚傳。勝流欵集。賓至如歸。吳六益訪汪鈍翁邸舍。每被酒。自誦其所作游五嶽詩。音響琅琅。若出金石。覺爾時意致適上。不可復及。

汪然明教其子成名。即放浪湖山。青簾白舫。選伎徵歌。日與二三知己。傾尊賦詩。以為笑樂。望見者謂前則子瞻。後惟廉夫。差堪彷彿其概。

汪名汝諱江南歙縣人居武林虞山錢宗伯嘗稱其量博而智濶幾沈而才老熱腸俠骨囊橐一世之志氣如洪流噴泉觸地涌出子玉立舉明經繼昌己丑進士

官觀

周櫟園性嗜飲喜客客日滿坐坐必設酒談諧辨難上下今古旁及山川草木方名小物娓娓不倦觴政拇陣叠出新意務極客歡而去

熊雪堂令汝陰時廬州被圍鄰郡偵探至城下熊從埤堦間磨盾鼻作答一手雙挾硃墨二筆運腕如飛一往勃勃真覺骨竅氣涌

熊名文舉字公遠江西南昌人辛未進士歷官侍郎

吳慶百應薦入京止竹林寺毛季蓮嘗偕叔大可過吳寓輒據柳牀自吟所為宴集及登臨諸作大聲撼四壁吳顧大可君家阿咸正復不減將不使卿單行義興大饑當事集紳士議賑紳士曰賑饑是極難事毋輕議也徐竹逸曰天下難事我輩不為誰為之者條陳數則活數萬人

李如穀官武昌郡守荊州曹叔方以所編樂府投之會李坐黃堂上立取梁州序親自度曲以扇代拍時隸役百十輩皆屏息而聽寂若無人歌罷即出千金贈曹

曹名國渠湖廣江陵人

申鳬盟偕楊猶龍殷伯巖行慕薄中林葉颯然疑有虎楊據片石負杖叱咤萬壑雷
鳴同行為之神王

楊名思聖直隸鉅鹿人丙戌進士歷官侍讀天才雋妙風神卓絕工詩擅書法性曠許可開秤量人物時有貴顯以壇墀自命者輒不肯屈一指聞者恚之

殷名岳直隸澤州人官睢寧令

侯朝宗豪邁多大略少本有濟世志嘗與吳次尾夏彝仲醉登金山指評當世人物
臨江悲歌二子以侯比周瑜王猛

侯名方域河南商邱人幼博學隨父司徒官京師習知中朝事嘗嘆曰天下且亂所見卿大夫殊無足以佐中興者其殆不救乎去遊金陵為一時所引重論者謂其詩追少陵古文出入韓歐

吳菌次蕭散自得陶然於酒所至偕故交文士名娼高衲放浪於山巔水涯每醉輒
歌吟笑樂詆調終夜酒痕淋漓頭伏几案與之遊者至忘寢食

宋俗上元夜張燈飲酒睢陽司氏巨族也張銀甌容酒數斗約能勝飲者持甌去羣
少皆醉臥窘甚時漏下三鼓會賈靜子服菴衣駕鹿車自百里外至忽叱咤登階舉
滿一飲即擲甌付奴持之不通姓名坐賓駭散

雲間田髯淵董蒼水兩孝廉素稱好客四方士大夫接踵而至一日集團如草堂赴